

Taita Diosbujmu...



...jacu ñucan

Ilustraciones

Las ilustraciones que se encuentran en este folleto fueron dibujados por Leah Moreno de los Estados Unidos y son usadas con su permiso (2013).

The illustrations found in this pamphlet were drawn by Leah Moreno of the United States and are used with her permission (2013).

La ilustración usada por el sello del Taller de Literatura Indígena Salasaca que se encuentra en la portada posterior, es usada con permiso con modificaciones hechos por Henry Chimbosina de Salasaca.

© Arte para la alfabetización en México; 2007

The illustration used for the logo of the Taller de Literatura Indígena Salasaca which is found on the back cover, is used with permission with modifications by Henry Chimbosina of Salasaca.

© Arte para la alfabetización en México; 2007

Taita Diosca canda c'uyanmi.

Taita Dios cai pachabi
causujcunada manchanaidi
c'uyushami, Paibuj shujlla
Churida cachuga, maijinsh
Paida crijca ama
chingarishalla, ashtangarin
na tucurij causida charichun.
San Juan 3:16



Alli causida charichunmi Diosca munan.

Maijin shuhua shamushaga
huañuchingu, shuhuangu,
tucuchishtangajllami shamun;
ashtanbish Ñucaga canguna na
tucurij causida charichun shinaidi
chi causida charishash
yallimanaidi charichunmi
shamugani.

San Juan 10:10



Tuquigunami juchada rurashcanchi.

Tuquiguna juchada
rurushcamundami Dios c'uilla
gashca shina ganamunga na
chayi pudinguna.
Romanos 3:23




Tuquigunami huañungujca cabinchi.

Juchada rurushcamunda
japinaga huañimi, ashtanbish
Dios cumbidashcaga ñucuchida
Mandaj Cristo Jesusbi na
tucurij causimi gan.
Romanos 6:23



Jesusmi ñucuchimunda huañuga.

Ashtanbish caibimi Diosca
ñucuchida c'uyuj gashcada
ricuchin: ima ura chairijtij
juchayujcuna gaquimi Cristoga
ñucuchimunda huañuga.
Romanos 5:8



Jesús pambushca gashash causariga.

Tuquimunda yalliga, ñuca ima laya japishcadami cangunamunga yachachigani: Dios escribichishcabi nishca shinami, Cristoga ñucuchij juchagunamunda huañuga.

Shinai Dios escribichishcabi nishca shinami, pambushca gashash quinsa p'unllabi causariga. Causarishaga Cefasmu ricuriga, chi q'uipaga chungu ishquigunamu. Chi q'uipaga shuj ricurillabi pichca patsaj (500) yalli huauqui panigunamu ricuriga.

Paigunapuramundaga taugagunami causagun; maijgunaga ña huañushcami.

1 Corintios 15:3-6



Diosbujmu chayana ñanga Paillami gan.

Chimunda Jesusca, "Ñucami
ñanbish, cabishcash, shinaidi
causish gani. Maijinbish
Ñucallamundami Taitajmunga
chayi pudin. "

Juan 14:6



Paida japinami ganchi.

Ashtangarin mashnalla Paida
japijcunamu, Paibuj shutibi
crijcunamunga,
Diosbuj huahuagunadi
tucuchunmi cuga.
Juan 1:12



**Diosta crishcallamundami
quishpichishca gai pudinchi.**


Cangunaga Dios c'uyushcada
crishcallamundami
quishpichishca ganguichi.
Caidaga cangunalladijca na
japishcanguichichu.
Ashtangarin Diosllami cushca.
Caiga cangunaidi alli
rurushcamundaga na
shamunchu. Shinaquiga pish
imallamundash ama jatun
tucuchun.
Efesios 2:8-9



Jesusladimi canda cayagun.

Riqi, Ñucaga, 'Huasiyuj,' nisha
pungumunda cayashami
shayaguni, maijinsh Ñuca
cayashca shimida uyusha
punguda pascuquiga, paibuj
huasimu huaigushaga, paigun
iguldami micushun.
Apocalipsis 3:20





Via a Rosario, Manzana Pamba Chico, Salasaca
03-274-9060